



Sámi allaskuvla

Sámi University of Applied Sciences

OAHPPOPLÁNA

SÁM 321

MASTERBARGU

60 oahppočuoggá

1. OAHPPOOVTTADAGA NAMMA

Sámegillii: Masterbargu

Dárogillii: Masteroppgave

Eaŋgalasgillii: Master's thesis

2. OPPALAŠ DIEĐUT OAHPU BIRRA

OAHPPOOVTTADAGA KODA: SÁM 321

VIIDODAT: 60 oč.

OAHPU LÁGIDEAPMI: Iehčanas bargu ja bagadallanseminárat.

3. OAHPPOPROGRÁMMA GULLEVAŠVUOHTA

Oahppu lea geatnegahtton oassi sámegiela ja sámi girjjálašvuoda mastergrádaprográmmas, ja ii fálljuvvo earáide go prográmmastudeanttaide.

4. SISABEASSANGÁIBÁDUSAT

Oahppu lea dušše rabas Sámegiela ja sámi girjjálašvuoda masterprográmma studeanttaide. Čujuhuvvo oahppoprográmma sisabeassangáibádusaide mat leat čilgejuvvon oahppoprográmmaplánas.

5. OAHPAHUS- JA EKSÁMENGIELLA

Sámegiella.

6. SISDOALLU

Studeanta vállje masterbarggu fáttá ovttas bagadalliin. Mastergrádaseminárain lea vejolašvuolta ságastallat ovttas eará studeanttaiguin ja bagadalliin dutkanprošeavtta birra. Masterbarggu guhkkodat leat 70–120 siiddu.

7. OAHPPANJOKSOSAT

Masterbarggu čađahan studeanta lea olahan čuovvovaš oppalaš oahppanjoksosiid:

Studeanta

- hálddaša ja ádde ráddjejuvvon fágasuorggi vuodđodieđuid
- máhtá bagadallama vehkiin čađahit iehčanas, ráddjejuvvon dutkan- ja ovdánahttinbarggu), mii čuovvu dutkanehtalaš norpmaid
- máhtá ovdanbuktit dieđalaš gažaldagaid ja bohtosiid čálalaš hámis sámegillii

- máhtttá válljet ovdanbuktimii heivvolaš giela, hámi ja struktuvrra
- máhtttá ohat ja geavahit dutkamuššii heivvolaš gállduid
- hálddaša dieđalaš ákkastallama ja kritihkalaš jurddašeami
- hálddaša dieđalaš almmuheami iešvuodaid ja mihttomeriid
- lea háhkan vuodu viidásut dutkamiidda fágasuorggi.

8. OAHPAHAN- JA OAHPPANVUOGIT

Iehčanas dutkanbarggu čađaheapmi, masterbargoseminárat ja individuála bagadallan. Masterbarggu doarjjan lágiduvvo akademalaš čállinseminára (OKT 305). Dasa lassín lágiduvvojit oktasaš, geatnegahtton bagadallanseminárat. Masterbarggu čađaheapmi álgá vuosttaš lohkanbajis (5 oč.) ja váldodeaddu lea goalmát (25 oč.) ja mañimuš lohkanbajiin (30 oč.). Studentii nammaduvvo bagadalli, ja studeantta ja bagadalli hábmeba ja vuolláičálliba bagadallanšiehtadusa.

9. GÁIBÁDUSAT BEASSAT EKSÁMENII

Eksámenii beassama eaktun lea:

- Vuosttaš lohkanbajis galgá studeanta njálmmálaččat ovdanbuktit iežas masterbarggu plána mastersemináras, mas fágaoahpaheadji ja eará studeanttat besset dan kommenteret.
- Studeanta ferte čađahan buot eará osiid oahppoprográmmas ovdal sáhtttá geiget masterbarggu. Studeanttas lea vejolašvuhta ohat beassat geiget masterbarggu ovdal, jus leat earenoamáš ákkat dasa.
- Bagadallan lea oahpu geatnegahtton oassi ja dat galgá leat čađahuvvon ovdalgo sáhtttá addit masterbarggu árvvoštallamii. Masterbarggu addojuvvo árvvoštallamii mañimuš lohkanbaji áigge, jus eará ii leat šihttojuvvon.

10. EKSÁMEN

Eksámen lea guovtti oasis:

1. Dieđalaš 70–120-siidosaš bargu. Dárkilit dieđut masterbarggu hámi birra leat Sámi allaskuvlla masterbargguid mála dokumeanttas, mii gávdno Sámi allaskuvlla neahttasiiddus.
2. Studeanta doallá 30-45-minuhtasaš rabas logaldallama masterbarggu birra.

Rabas logaldallama mañnel lea studeanttas njálmmálaš eksámen mas sensorat gažadit kandidáhta masterbarggu birra.

Kandidáhtta oazžu gaskaboddosaš árvosáni masterčállošis. Árvosáttni sáhtta muddejuvvot gitta ovttain ceikkiin maŋnil njálmmálaš eksámena.

Masterbargu árvvoštallojuvvo árvosátneskálain A–F.

11. PRIVATISTTAID VEJOLAŠVUOHTA VÁLDIT GURSSA

Privatisttat eai sáhte váldit dán gurssa, dasgo oahppan gáibida dan, ahte studeanta searvá oahpahussii. Geahča muđui U/A lága § 3-8 (2).

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinnjuolggadusaide ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta.

13. LOHKANMEARRI

Studeanta vällje lohkanmeari gáldogirjjálašvuoda iežas masterbarggu fáttá vuodul.